

走馬急疳治療奇方

秦又安校正

上海中醫書局發行

22
5

版權所有 ★ 不准翻印

走馬急疳治療奇方

一九五四年七月重1版

版者	浙東慈竹居士
校正者	上海秦又安
發行所	上海中醫書局
印刷者	上海中醫書局
代售處	國內各大書局

地址 上海山東中路26號
地址 上海合肥路117弄26號

定價 1,500 元

0001-1000

序

吾滕氏自唐迄今六百餘年。科第聯芳。簪纓相繼。詩禮傳家。清明持守。至大父舉應賢。方正能言。極諫科不仕。蒙賜號廉靜處士。吾父國學進士。亦應是科。年一十六。而奄棄獨遺。不肯早孤。失學無聞。唯謹是持。而唯善是務耳。寶慶改元。吾時年二十八。仲春具牲醴。詣墓拜掃封塋。途遇亡父。貌生而氣舒而泰。風度飄飄。精神落落。顧吾若欲與語者。以是趨進長揖。叟執吾手笑而謂曰。子善人子也。何少讀書耶。今雖不得貴。亦當致子富也。吾卒然感而思之。富貴果人心之所愛者。然吾向乏嗣。不若以此爲請于叟乎。于是敬上白焉。叟曰。子旣不以富貴爲欲。而以子嗣爲欲宜乎。吾當以子壽繼而出受一書。囑曰。願子將此多濟人子嗣。則子子嗣必多矣。使吾向日拜起。而叟遂失焉。駭感良久。謹捧書歸焚香開讀。乃治小兒治疳走馬真方也。按方精修。合施于人。果甚奇驗。百發百中。未幾生珪。長仕吳越州司訓珪生清。迨今吾年八十餘矣。噫。叟之言神且信也。其書敢不敬乎。烏可易而視之哉。是用識于篇首。示吾子孫。當保是書而精修樂餌。惟以濟人爲心。不以利爲心可也。

德祐元年歲次乙亥孟夏吉日樂善老人南陽滕伯祥撰

走馬急疳治療奇方目錄

治法

- 1 治走馬急疳法
 - 2 治痘疹疳法
 - 3 治耳內疳法
 - 4 治胎毒頭疳法附鼻疳
 - 5 治頭面手足遍體疳法
 - 6 治大人遍體生疳并疥癬肥瘡法
 - 7 治下疳法
 - 8 治五疳法
 - 9 藥品異名說
- 藥方
- 1 紫金散
 - 2 綠袍散
 - 3 二聖散
 - 4 立效散

-
- 5 鹿兒膏
 - 6 茅君散
 - 7 十仙丹
 - 8 二妙丹
 - 9 二黃散
 - 10 冰黃散
 - 11 消毒散
 - 12 甘露散
 - 13 消疳丸
 - 14 保重丸
 - 15 肥兒丸
 - 16 聖餅子
 - 17 蘭香散
 - 18 藥品異名括

走馬急疳治療奇方

滕氏遺書

浙東慈竹居士珍

治法

(1) 凡治口疳。必先以壓舌。壓定其舌。以杖子挑起上齦。務細觀其咽喉中。有無次及上下齦。舌底齒根。如有紫腫處。用三棱針刺出毒血。或有黃泡爛肉。以青生絹裹指。蘸新汲井花水拭擦去淨。用二聖散乾敷患處。以消毒散生蜜調與食後服。若疳延于上齦。用綠袍散敷之。毒涎從其流出。或嚥下亦不妨。或用聖餅子貼于足心。男左女右。以帛扎定。如延及咽喉。用藥筒納紫金散吹入。治以甘露飲煎食。後倘有黑爛惡肉。攻成潭穴者。爲至重之症。須以刀取去惡肉。但不知疼痛者。不可治矣。若覺疼痛。速以紫金散敷之。以甘露飲加皺面還

丹濃煎與服。庶幾得生。

(2) 凡發痘疹生疳。敷治並同上法。但以胡荽煎湯。停溫代前井化水用。

(3) 凡治耳內生疳。必先以綿杖子三五枚或七九枚十一十三枚。務令振其耳內膿水乾淨。然後以鵝毛管納藥吹入。待乾爲愈。

(4) 凡治胎毒頭疳。膿血滿頭腥臭。滋水淋漓。或痛或癢。延及肢體者。先以米泔水煎二妙丹去渣令溫洗之。無風處拭乾。再用鹿兒膏加茅君散香油調勻敷之。內服肥兒丸。乳母忌食辛熱發毒之物。如鼻疳用蘭香散乾敷。

(5) 凡治頭面手足遍身疳瘡。先用米泔湯洗之。再以豬油調十仙丹敷上。若癢加二妙丹。痛不必加。內服肥兒消疳丸均可。忌一切發毒辛熱之物。

(6) 凡治大人遍體生疳。或疥癬肥瘡。亦用十仙丹加二黃散豬油調敷。忌食諸般發毒動風辛熱之物。

(7) 凡治下疳之法。須審內發外染二種。內發者。自父母稟體所遺。根柢甚深。外染者。衣服不潔。傳染而得。病尙膚淺。用二妙丹以絹包之。入濃米泔中煎數沸。去渣。停溫。勿添生水。於避風處拭乾淨。滋水。用冰黃散乾敷。以香油調敷。忌口如前。

(8) 凡治五疳之法。須辨新久冷熱。若疳之新者。爲熱疳。則面黃臉赤。骨熱盜汗。鼻乾口臭。唇焦煩渴。心躁驚悸。情意不樂。若疳之久者。爲冷疳。則目腫腹脹。便利不定。瀉糞肥膩。或似油珠。煩渴黃瘦。熱疳病多在外。冷疳病多在內。又有冷熱二症交互。非新非久。不內外因者。然初病肥熱。久病瘦冷。小兒易爲虛實。脾虛不任寒溫。服寒藥則生冷。服溫藥則生熱。當識此理。以爲治療之綱領。消積和胃。滋血調氣。隨宜用藥。以扶之。淡薄飲食。以養之。久久自然充實。疳之爲病。名狀固多。而治療之方亦不少。惟消疳丸保童丸二方治五疳。品味平和。

用之穩當。量兒大小。新久冷熱虛實。以意消息。增損與服。得效如神。是用表而出之。

(9) 凡藥品異名。皆出于胡氏圖經本草。陶氏本草衍義。進士侯君藥譜中所採而用之者。決非杜撰胡爲耳。後之用是方者。尙當稽索。則亦自有進益之處焉。

藥方

(1) 紫金散 治遍口生疳。作穢臭爛。延及咽喉。敗壞甚速。故名曰走馬疳。

明羽澤 (卽明礬煨三錢) 溺中涎 (卽人中白煨二錢)

百蟲倉 (卽五倍子煨五錢) 赤鉛華 (卽東丹炒紫色一錢)

玉虛飯 (卽冰片一分) 水銀臘 (卽輕粉三分)

詩曰。赤鉛華在明羽澤。溺中涎合水銀臘。百蟲倉有玉虛飯。走馬急疳治第

一。

右以前四味各等精製。併研羅過。加後二味少許。再研極細末用。

(2) 綠袍散 治症同前。

山屠粉(即黃柏末)

藍寶華(即青黛)

羽礬灰(即枯礬)

玉虛飯(即冰片)

詩曰。山屠粉和玉虛飯。藍寶華同羽澤灰。善治急疔名走馬。綠袍散是藥之魁。

右以前三味各研細末和成柳葉色。然後加入後一味少許。再研勻用。

(3) 二聖散 治症同前。

黃山屠(即黃柏)

白羽礬(即白礬煨存性)

詩曰。黃口生疔何用醫。速求二聖散無疑。黃山屠和白羽礬。爲末頻頻乾敷。

之。

右二味等分。爲極細末用。

(4) 立效散 治腠内生疔。腫脹膿血臭穢。

羽礞灰(卽枯礬)

片胚子(卽乾胭脂)

拔萃團(卽麝香)

詩曰。立效散治耳腠疔。羽澤灰成拔萃團。更加一味片胚子。爲末吹之便卽安。

右二味等分研細。後加下一味少許。研勻用。

(5) 鹿兒膏 治胎毒頭疔。膿血滿頭。腥臭滋水淋漓。延及肢體。或痛或癢。

赤鉛華(卽黃丹水飛四兩)

琥珀絲(卽松香研細八兩)

詩曰。頭疔紅藥鹿兒膏。四兩赤鉛華水淘。飛過炒如霞紫色。八兩琥珀絲共

熬葱薑汁內煎數沸。重研極細末爲高。更加一分茅君散。香油和拌。要勻調。右二味製度研細。貯葱管內。入于薑汁中。煮數沸。去葱取藥。再研細。加茅君散四兩水銀臘一錢和勻。用其茅君卽蒼朮也。

(6) 茅君散 治濕毒疔瘡。

儉蜜珊瑚(卽甘草三兩)

赤伯淡(卽厚朴三兩)

茅君寶筵(卽蒼朮五兩)

陳貴老(卽陳皮三兩)

詩曰。鹿兒膏內茅君散。茅君寶篋五兩羅。儉蜜珊瑚赤淡伯。陳貴老加三兩和。

右磨極細末用。

(7) 十仙丹 治頭面手足偏身疔瘡。

靜風尾(卽荊芥一斤)

黃子伯(卽黃柏一斤)

琥珀絲（即松香一斤）

白藥鬚（即煎草一斤）

鎖眉根（即苦參一斤）

蛇兒米（即蛇床子一斤）

兩平章（即獨活一片）

若梓皮（即海桐皮半斤）

白羽礬（即白礬半斤）

風兒肉（即大風子肉四兩）

詩曰。琥珀絲有靜風尾。兩平章連蛇兒米。黃子伯生白藥鬚。鎖眉根要均勻。爾。白羽礬上若梓皮。減半分。兩磨羅起。風兒肉比又減半。調理疳生週遍體。米泔湯洗猪油調。癢加二妙疼還去。若增二黃更有治。大人疥癬瘡無比。右磨羅爲極細末用。

（8）二妙丹 治癢殺蟲去濕。

銅華精（即銅青）

枯羽澤（即枯礬）

右二味。等分爲極細末用。

(9) 二黃散 治癢殺蟲去毒。小兒藥中勿用。

崐崙黃(卽硫黃一兩)

黃食石(卽雄黃三錢)

詩曰。二妙丹中何爲妙。轉華精枯羽澤良。二黃散內有二味。黃食石佐崐崙黃。

右研細末。加入十仙丹。每貼一七。

(10) 冰黃散 治下疳。

蘆公石(卽蘆甘石)

玉虛飴(卽冰片)

水銀臘(卽輕粉)

珠子香(卽乳香)

孩子茗(卽孩兒茶)

麒麟血(卽血竭)

蠻龍古血(卽沒藥)

詩曰。蘆公石。煑玉虛飴。孩子茗。煑珠子香。水銀臘和麒麟血。更入蠻龍古血。

良。

右各等分。研爲極細末用。

(11) 消毒散 治濕毒口疳。

太清尊者(卽朴硝一兩)

冰喉尉(卽薄荷二兩半)

黃香影子(卽山梔一兩七錢)

苦督郵(卽黃芩一兩半)

儉蜜珊瑚(卽甘草四兩五錢)

無聲虎(卽大黃一兩三錢)

度厄錢(卽連翹三兩)

詩曰。太清尊者冰喉尉。儉蜜珊瑚苦督郵。黃香影子無聲虎。度厄錢因消毒
醑。

右各製過磨羅。如數稱。併爲細末用。

(12) 甘露飲 治症如右。

洞庭奴隸（卽枳殼去白麵炒）

林蘭（卽石斛去蘆）

蘆橘葉（卽枇杷葉去毛）

顛勒（卽天冬去心焙）

國老（卽甘草）

羊韭（卽麥冬去心）

腐賜（卽黃芩）

陳茵

熟芭（卽熟地）

詩曰。顛勒生地出洞庭。腐賜熟芭要茵陳。林蘭國老生蘆橘。羊韭和成甘露春。

右咬咀。每服三錢。水一盞煎七分。食後溫服。

（13）消疳丸 治疳生于內。面黃腹脹。潮熱便濁腹疼。及蟲痛羸瘦。

黑金屑（卽鐵屑一兩苦酒炒） 茅君散（卽平胃二兩）

詩曰。磨積消疳丸。妙絕苦酒炒乾黑金屑。茅君散和醋糊丸。空心米飲服爲

捷。

右以苦酒拌黑金屑炒乾。入茅君散和勻。用醋糊丸。空心米飲服。

(14) 保童丸 治五疳。

風梭御史（即使君子炒黑色）

欺雪玉塵（即麵炒黑色）

詩曰。五疳保童治五疳。風梭御史玉塵兼。二味各炒令黑色。米飲送下麵糊瘥。

右爲末。麵糊爲丸。空心米飲下。

(15) 肥兒丸 治疳瘦。進飲食。健脾胃。殺蟲消積。

化米先生（即神曲一兩一錢）

綬米帶（即麥芽六錢）

風梭御史（即使君子淨五錢）

滴膽芝（即黃連一兩二錢）

脾家瑞氣（即檳榔二錢五分）

大通綠（即木香二錢五分）

詩曰。化米先生緩米帶。風梭御史滴胆芝。脾家瑞氣大通綠。洗瘴丹能肥小兒。

右爲細末。麵糊爲丸黍米大。空心湯下。

(16) 聖餅子 治走馬急疳用此能拔毒。

抱靈居士(即香附去毛)

痰宮霹靂(即半夏)

詩曰。聖餅抱靈居士耳。痰宮霹靂兩均研。鷄子清調和作餅。男左女右足心淹。

右二味。等分爲末。以鷄子清調和成餅。男左女右貼于足心。乾則易之。

(17) 蘭香散 治鼻疳爛。

銅華精(即銅青五分)

蘭香葉二錢

水銀臘(即輕粉二分)